



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE

Tel: 032 650 022 www.opcina-tesanj.ba
032 650 341 E-mail: optesanj@bih.net.ba
Fax: 032 650 416 esmir.subasic@opcina-tesanj.ba



Trg Alije Izetbegovića 11,
74260 Tešanj

PRIJEDLOG

Na osnovu člana 53. stav 1. i 64. stav 5. Zakona o zdravstvenoj zaštiti („Službene novine Federacije Bosne i Hercegovine“, broj:46/10) i člana 14. stav 1. tačka 19. Statuta Općine Tešanj (*Službeni glasnik općine Tešanj*, broj:11/07), Općinsko vijeće Tešanj na svojoj ____ sjednici održanoj _____godine d o n o s i

O D L U K U **o izmjenama Odluke o osnivanju Opće bolnice Tešanj**

Član 1.

U Odluci o osnivanju Opće bolnice Tešanj, broj:01-02—136/94 od 08.09.1994.godine i izmjene Odluke o osnivanju Opće bolnice Tešanj („Sl.glasnik općine Tešanj“br:4/98) u članu 1. ispred riječi:
„ustanova“ dodaje se riječ „zdravstvena“.

Član 2.

Član 8.Odluke mijenja se i glasi:

“Upravni odbor Opće bolnice Tešanj ima tri člana i čine ga predstavnici:

- osnivača-jedan član;
- stručnih radnika zdravstvene ustanove-jedan član;
- kantonalnog ministarstva-jedan član.“

Član 3.

Ova Odluka stupa na snagu narednog dana od dana objavljivanja u Službenom glasniku Općine Tešanj.

PREDSJEDAVAJUĆI
OPĆINSKOG VIJEĆA

Subašić Esmir

O B R A Z L O Ž E N J E

I - Pravni osnov

Pravni osnov za donošenje ove odluke čini: člana 53. stav 1. i 64. stav 5. Zakona o zdravstvenoj zaštiti („Službene novine Federacije Bosne i Hercegovine“, broj:46/10), član 14. stav 1. tačka 19. Statuta Općine Tešanj (Službeni glasnik općine Tešanj, broj:11/07).

II - Razlozi donošenja

Zakonom o zdravstvenoj zaštiti („Službene novine Federacije Bosne i Hercegovine“, broj:46/10), članom 53. je regulisano da zdravstvenu djelatnost obavljaju zdravstvene ustanove.

Članom 64. Zakona o zdravstvenoj zaštiti je propisano da upravni odbor zdravstvene ustanove u vlasništvu općine ima tri člana i čine ga predstavnici:osnivača, iz reda predstavnika Kantonalnog ministarstva i iz reda zaposlenih, Predsjednika i članove upravnih odbora zdravstvenih ustanova u vlasništvu općine imenuje i razrješava Općinsko vijeće na prijedlog Općinskog načelnika, u proceduri u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj:12/03) i Zakonom o ustanovama („Službeni list RBiH“, broj:6/92, 8/93 i 13/94), da mjesečnu naknadu za rad predsjednika i članova upravnih odbora zdravstvenih ustanova utvrđuje Općinsko vijeće na prijedlog Općinskog načelnika.

Kako je prijedlog ove Odluke opravdan i utemeljen, podnosim Općinskom vijeću isti na razmatranje.

OBRADIVAČ
Služba za društvene djelatnosti
komunalne poslove i ekologiju

Suad Huskić, prof.

PREDLAGAČ
Općinski načelnik

Fuad Šišić, dipl. ing. maš.

Broj: 02-03-1-864/12.

Datum: 15.03.2012. godine